

ENCYCLICAL

EN/04/24

May 28th 2024.

Sha phi ki parashynrang Episcopas, ki lyngdoh bad ki parabangeit jong ka Balang ka Bakhuid.

Ka jingaiei, ka jingisynei, bad jingsuk na U Blei uba u kpa, u khun, bad u Trai Jisu Khrist, lyngba ka jingiasyllok bad jingdon ryngkat jong u Mynsiem Bakhuid, ryngkat lem bad phi.

Ka la jan dap kumba ar taiew pura eiei naduh ba I kpa ba kynja mynsiem jong ngi, I Holiness Metropolitan Athanasius Yohan I, I la khlad noh na ngi. Tang da ki kyntien ym lah shuh ban ong ne pynpaw ia ka jingsngewnguh kaba jylliew tam bad ka dohnud jong ka jingiaroh ba ngi don na ka bynta ka jingtreishitom ka bymjuh shong thait jong i, jingieit jong I ia u Trai, bad jingkdew lynti jong I iangi ha ki snem kiba la leit noh.

Katba ba baroh na ngi, ngi dang don hapdeng ki jingsngewsih na ka daw ka jingkhlad noh jong u nongialam jong ngi, ngin shem ka jingpyntngen da kaba tip ba ngin ym dei ban sngewsih kum kita kiwei ki bym don jingkyrmen, kumba u Apostol Paul u la ong bad pynkynmaw iangi na ka shithi jong u sha nyngkong Thessaloni 4:13.

Ha ka por ba i Holiness Moran Mor Athanasius Yohan I Metropolitan's i dang thiah jahthait bad hadien kata ngi ai khublei ba khatduh eh ia i, ki parabangeit baroh jong ka Balang ki ia wan lang, katno ka long kaba itynnad haba iohi ia ka jinglong shitylli bad jingieit kaba ki parabangeit ki ia ai I wei ia I wei khamtam ia i kpa ba kynja mynsiem jong ngi. Ngi pyniar ia ka jingsngewnguh kaba khraw bad ba jylliew shisha sha phi baroh i wei pa i wei.

Ia ka por ba phi la pyllait khnang bad khein duh na ka bynta ban pyni ka jingsngewlem ia i Metropolitan Athanasius Yohan I ba ieit eh jong ngi. Nga la dap shisha da ka jingsngewktah kaba kyrpang ha ka dohnud jong nga. Ka jingdon ryngkat jong phi, ki jingduwai jong phi, bad ka jingkut jingmut jong phi ban shong kali naduh na jngai — da ka bus, ka rel, phi shim wai kali bad wan shane, bad da kiwei pat ki lad rukom shong kali tang ban ioh poi shane —ban shim bynta ha ka jingleh niam bad tep ia i kpa ba kynja mynsiem jong ngi kane ka long ka nuksa kaba donkam bad kyrpang shisha sha kiwei.

Kat kum ka dustur jong ka Balang jong ngi, ha kaba sdang jong u bnai May 8thtarik, baroh ki Diocese office bad ki balang shnong ha man la ki jaka ki don ia ka jingduwai pyntngen na ka bynta sawphew sngi. Ha kine ki por, ka dur jong i Metropolitan Athanasius Yohan I baieit eh jong ngi la buh hapoh ki iing mane, bad duwai na ka bynta ka jingpyntngen u Trai ia ka iing ka sem jong I bad kum ka dak ba kynmaw ieit ia i.

Khyndiat katto kattne ki mat ba donkam:

Kumba ngin iaid shakhmat, ngi kyrpad ia ka mon sngewbha jong phi ban ai ka jingiakyrsan ba pura jong phi da ka dohnud baroh na ka bynta ban pyntreikam ia katto katne ki mat ba donkam jong ka Balang, ia kiba la ong harum:

- **Ka Jingiaseng duwai kaba kyrpang ban duwai ia ka jingpyntngen u Trai (Condolence Meetings:** Man la ki diocese ki dei ban pynbeit ia kane ka jingiaseng duwai na ka bynta ki paitbah baroh, da kaba ia khot sngewbha ia kiwei pat ki nongialam niam ba heh duh jong baroh ki balang kiba heh bapher bapher, ki nongialam ba kongsan bad heh duh jong ki Khristian ministries, ki briew kiba don burom ha ka imlang sahleng kum ki rangbah shnong, kaba kynthup ruh ia kita ki nongialam ba shah jied na ka bynta ban peit ia kano kano ka jaka kum ki—MPs, MLAs, kiwei pat bad ki briew kiba kyrpang kiba peit ia ka jingman bha jong ka jait bynrrew bad kita kiba sngewtynnad ia ka Balang jong ngi — na ka bynta ban ia snoh kti lang ban duwai bad buh jingkyrmaw bad pyndonburom ia ka jingim bad ia ki kam ba bha jong i Metropolitan Athanasius Yohan I kaba i la leh na ka bynta u Trai.
- **Saw phew sngi ka jingiaseng ban sah jingkyrmaw (Forty-Day Memorial Service:** Ban buh jingkyrmaw ia ki kam ba bha jong I Metropolitan Athanasius Yohan I baieit eh jong ngi, ngi kyrpad ia phi ban pynlong ia ka jingiaseng sah buh jingkyrmaw ha ka sngi Sunday, June 16th, 2024, ha baroh ki diocese office, ki jaka pule, bad ki balang shnong kiba don ha kylleng sawdong ka pyrthei.
- **Pynneh pynsah ia ki kam ba bha jong I na ka bynta u Trai (Preserving His Legacy:** Ban rakhie burom ia ki kam ba i Metropolitan I i la leh na ka bynta u Trai ha ka por ba i dang im, ngi pynshlur ia phi ban buh frame ia ki dur jong i ha diocese office, ha ki jaka ai jinghikai, ha ki Balang shnong, bad ki iing ki sem. Ngin phah ia phi ki dur ha ka dur ba shai bha (high-resolution digital copies of these photos), ryngkat bad ki captions na ka bynta ban print bad buh phrame.
- **Ban jied da u wei pat u Metropolitan (Selection of the Next Metropolitan:** Da ka ba bteng ia ka jingiaseng buh jingkyrmaw kaba sawphew sngi, ka Holy Synod kan khot lang ia baroh naduh June 17, 2024 tarik ha ka Balang ha Headquarters ha St. Thomas Community, Kuttapuzha, P.O. Thiruvalla, Kerala, India. Ha por jong kane ka jingialang, ka Holy Synod ryngkat bad ki jingduwai kan jied da u wei pat u ban long Metropolitan na ka bynta ka Balang, kin pynskhem ia ka jingrakhie kaba kyrpang na ka bynta uta uba sa shah jied, bad shimti ruh ban ialam bad kdew lynti ia kiwei pat ki agenda jong ka Balang, baroh katba dang pyndonburom ia ki kam ba bha jong i Metropolitan Athanasius Yohan I ba iaid. Ngii kyrpad ba baroh ki parabangeit jong ngi, kin ia snoh lang da kawei ka jingmut ha ka ban iai bteng ban duwai na ka bynta kane ka jingialang kaba kyrpang bad sah jingkyrmaw.

To ngin ia duwai lang:

Kumba ngin shim ia kane ka rai kaba khraw, ngi pdiang sngewbha ia phi ban ia snoh lang bad ngi ha ki jingduwai ban duwai na ka bynta kine ki mat ba la kdew harum:

1. **Ka jingjied ia u wei pat u Metropolitan:** Duwai ba u Mynsiem Bakhuid, uba la ialam ia ka Balang kaba khuid ha ki sngi kiba la leit noh, ban ai ha ki dkhot jong ka Holy Synod ia ka jingstad kaba kyrpang, jingshemphang, bad jingialam ban jied ia u Bishop uba dei shisha ban long u nongaplambrot ba shisha jong ka Balang da ka jingieit jong u Blei bad da ka jingiohi jngai na ka bynta ka Balang jong ngi.
2. **Ka Mission jong ngi kan iai bteng ban job:** Duwai ba ka jingshem sngewbha jong u Blei kan don ha kiei kiei baroh kiba ngi leh ia kaba ngi pyrshang ban ialap ia ka jingieit jong u Blei ha baroh ar ha ki kyntien bad ki jingleh.
3. **Jinglong kawei bad ba neh skhem bym khih jingmut:** Duwai ba ngin shem ia ka jinglong kawei bad jingiaineh skhem hapoh ka Balang jong ngi hapdeng ki parabangeit jong ngi, ngin trei lang ha ka jingteh jong ka jingieit, jingsuk, bad ka mon laitluid ban ia trei lang bad kohnguh i wei ia i wei pat da ka jingsngewrit katba dang leh kmen ha ka jingiashem lang hapdeng ki jait bynriew bapher bapher ha ka jingieit jong U Blei.
4. **Ki samla ban shakri ia u Blei:** Duwai ba ki samla shynrang bad kynthei jong ka Balang, kin kohnguh ia ka jingkhoh jong u Blei, ban shakri ia u Trai ha ka Balang kaba khuid bad ban shah jied ban shah hikai ha ki Seminary jong ka diocese, Sisters of the Cross (Sisters Of Compassion) (SOC) ha ki jaka pule (training centers), bad ha Major Seminary (SITS).
5. **Pynkyntang bad buh ia ki Sisters of the Cross (SOC) ha ki lyngkha trei:** Duwai ba u Blei un ialam bad ai jingstad na ka bynta ka jingpynkyntang ia ki sister ha ki sngi ki ban sa wan bad ha kano ka lyngkha trei dei ban buh ia ki Sisters of the Cross (SOC) ban leh ia ka kam u Trai khnang ba u Blei un pyndonkam ia ki katkum ki talent jong ki bad wanrah ia ka jingieit bad ka khubor u Blei sha kito kiba donkam ia ka.
6. **Ki dkhot jong ka Holy Synod:** Duwai ba u Blei un ai ka jingstad, jingaiei, jingkoit jingkhiah, bad ki jingmut bad ka bor ba kynja mynsiem katba da ki jingduwai kin shim ia ka jingkitkhlieh ban ialam ia ka Balang kaba khuid bad pynlong ia ki rai kiba donkam na ka bynta ka balang kaba khuid.

To ai ba ka jingieit jong u Blei u kpa, ka jingaiei jong u Trai jong ngi u Jisu Khrist, bad ka jingiasyllok jong u Mynsiem Bakhuid kan don ryngkat bad phi baroh mynta bad shaduh ki bymjukut+.

Ha u Khrist,

Dr. Samuel Mor Theophilus Episcopa Metropolitan locum tenens.